

## ხ ე ლ შ ე კ რ უ ლ ე ბ ა

ქ.თბილისი

22 აპრილი 2019 წელი

ერთი მხრივ საქართველოს ძიუდოს ეროვნული ფედერაცია (ს/კ 204889282) წარმოდგენილი მისი პრეზიდენტის გიორგი ათაბეგაშვილის სახით (შემდგომში - *ფედერაცია*) მიერ და მეორე მხრივ შპს ჯი ემ ეს (ს/ნ 405305245) წარმოდგენილი მისი დირექტორის თინათინ ჯანაშვილის (პ/ნ 11001005245) მიერ (შემდგომში - *ლიცენზიატი*) ვმოქმედებთ რა საქართველოს კანონმდებლობისა და ნების თავისუფალი გამოვლენის საფუძველზე ვთანხმდებით შემდეგზე:

### 1. ხელშეკრულების საგანი

1.1 წინამდებარე ხელშეკრულებით ფედერაცია გადაცემს ლიცენზიატს უფლებას, გამოიყენოს ფედერაციის მიერ განხორციელებული ჩამპიონატის - საქართველოს 2018 წლის ჩემპიონატის ვიდეო, რომელიც არის მის საკუთრებაში, წინამდებარე ხელშეკრულებით განსაზღვრული პირობებით, ჰონორარის გადახდის გარეშე.

### 2. ხელშეკრულების საგნის გამოყენების პირობები

ლიცენზიატს უფლება აქვს წინამდებარე ხელშეკრულების 1.1 პუნქტით განსაზღვრული ვიდეო-ჩანაწერები განათავსოს ეთერში (მათ შორის საკაბელო ტელევიზიების მეშვეობით); ინტერნეტ სივრცეში myvideo.ge-ს მეშვეობით და სხვა ისეთი საშუალებებით, რაც აუცილებელი იქნება მხარეთა მიზნის მისაღწევად.

### 3. ხელშეკრულების მოქმედების ვადა

- 3.1 ხელშეკრულება ძალაშია მხარეთა მიერ ხელმოწერის დღიდან;
- 3.2 ხელშეკრულების მოქმედების ვადაა 30 ივნისი, 2019 წელი;

### 4. სალიცენზიო ხელშეკრულების მოქმედების ტერიტორია

წინამდებარე სალიცენზიო ხელშეკრულება მოქმედებს საქართველოს ფარგლებში. მხარეთა უფლება-მოვალეობები:

- 4.1 ფედერაცია იძლევა გარანტიას და ადასტურებს, რომ ის წარმოადგენს ხელშეკრულების საგნის ავტორს;
- 4.2 ლიცენზიატი ვალდებულია ხელშეკრულების საგნის გამოყენებისას მიეთითოს ფედერაციის სახელი და საავტორო უფლების დაცვის ნიშანი (შეიძლება აქ ფედერაციის ლოგოც მიეთითოს);

- 4.3 ლიცენზიატი უფლებამოსილია ფედერაციის წერილობითი თანხმობის გარეშე შეუზღუდავად გამოიყენოს ხელშეკრულების საგანი მთლიანად ან ფრაგმენტულად ნებისმიერი ტექსტის თანხლებით, სხვა ფოტოებთან ან ვიდეოებთან ერთად;
- 4.4 ლიცენზიატი უფლებამოსილია გაავრცელოს, საჯაროდ აჩვენოს ან საჯარო გადასცეს ხელშეკრულების საგანი, მხოლოდ ხელშეკრულებით განსაზღვრული პირობებით;
- 4.5 ლიცენზიატს არ შეუძლია ხელშეკრულების საგნის სუბლიცენზირება;
- 4.6 ხელშეკრულების საგნის კომერციული გამოყენების შემთხვევაში ფედერაცია უარს ამბობს ჰონორარის შეგროვების უფლებაზე;

#### 5. მხარეთა პასუხისმგებლობა და დავათა გადაწყვეტა

- 5.1 მხარეების კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობით ან არაჯეროვანი შესრულებით მიყენებული ზიანი;
- 5.2 წინამდებარე ხელშეკრულებიდან გამომდინარე დავა მხარეთა შორის უნდა გადაწყდეს ურთიერთმოლაპარაკების გზით, ხოლო შეუთანხმებლობის შემთხვევაში საქართველოს კანონმდებლობით დადგენილი წესით სასამართლოს მეშვეობით.

#### 6. ფორს-მაჟორი

- 6.1 თითოეული მხარე ამ ხელშეკრულებით გათვალისწინებული ვალდებულების მთლიანი ან ნაწილობრივი შეუსრულებლობის გამო პასუხისმგებლობისგან თავისუფლდება, თუ ვალდებულების შეუსრულებლობა გამოწვეულია დაუძლეველი ძალის (ფორს-მაჟორული გარემოების) ან მეორე მხარის ბრალის შედეგად;
- 6.2 დაუძლეველ ძალად მიიჩნევა ისეთი ფაქტის ან გარემოების არსებობა, რის გამოც ხელშეკრულების მხარე მისგან დამოუკიდებელი მზიებების გამო ვერ არსრულებს დაკისრებულ მოვალეობას, კერძოდ:
- ხანძარი, წყალდიდობა და სხვა სტიქიური უბედურება
  - სამოქალაქო ომი, აჯანყება, სამხედრო მოქმედება
- 6.3 მხარეების მიერ ხელშეკრულებით გათვალისწინებული ვალდებულების შესრულება გადაიდება ფორს-მაჟორული გარემოების აღმოფხვრის შემდეგ;

6.4 მხარეები ვალდებული არიან ფორს-მაჟორული გარემოების დადგომისას 2 დღის ვადაში შეატყობინონ მეორე მხარეს წერილობით.

#### 7. ხელშეკრულების შეწყვეტა

- 7.1 ხელშეკრულება მხარეთა შეთანხმებით შესაძლოა შეწყდეს ნებისმიერ დროს;
- 7.2 ფედერაციას უფლება აქვს შეწყვიტოს ხელშეკრულება ნებისმიერ დროს, თუ ლიცენზიატი დაარღვევს წინამდებარე ხელშეკრულებით განსაზღვრულ პირობებს;

#### 8. დასკვნითი დებულებები

- 8.1 წინამდებარე ხელშეკრულებაში ნებისმიერი ცვლილების ან დამატების შეტანა ხდება მხარეთა წერილობითი შეთანხმების საფუძველზე.
- 8.2 ლიცენზიის გადაცემასთან დაკავშირებული ის ურთიერთობები, რომლებიც არ რეგულირდება წინამდებარე ხელშეკრულებით, დარეგულირდება საქართველოს მოქმედი კანონმდებლობის შესაბამისად.
- 8.3 ხელშეკრულება შედგენილია ორი თანაბარი იურიდიული ძალის მქონე ეგზემპლარად და ინახება მხარეებთან.

„საქართველოს ძიუდოს ეროვნული ფედერაცია“

ფედერაციის პრეზიდენტი:



გიორგი ათაბეგაშვილი

შპს ჯი ემ ეს

დირექტორი:



თინათინ ჯანაშვილი